



# AITAREN BIKOTEKIDEA DATOR ETXERA



Xan  
Alkhat



Doinua:

*Gu gazte ginadela*

*Zortziko txikia*

Aitaren bikotekide berria agertu da etxera.  
Alabak bere ama zena oraindik gogoan, ez du begi onez ikusten...

## SEMEA

Aitak lagun berria  
du ta ze **trantzea!**  
Zuretzat dira beraz  
aita ta **etxea**  
haur batentzat zaila da  
amaren **galtzea**  
ez zazu pentsa bere  
lekua **hartzea!**

## SEMEA

Dena iluntzen baita  
bai **heriotzean**  
ama joan denetik  
bizi naiz **hotzean**  
nigar egiten dut nik  
hartaz **oroitzean**  
beti bizirik baita  
nire **bihotzean**.

## SEMEA

Gau eta egunez naiz  
ni hartaz **oroitzen**  
zenbat aldiz parkean  
ginen gu **jostatzen**  
uda betean zenbat  
izozkiz **asetzen**  
ene ama maitea  
ama **onena zen!**

## AITAREN BIKOTEKIDEA

Gertatu dena hartu  
beharko da **aintzat**  
baina elkartu dira  
gu bien **bihotzak**  
ez dut bere lekua  
hartu nahi **behintzat**  
soilik nahi nuke leku  
ttipi bat **niretzat**.

## AITAREN BIKOTEKIDEA

Min uxatzaile ona  
da berez **denbora**  
baina tristurarekin  
ez zaitez **aztora**.  
Egunero ekarri  
zuk ama **gogora**  
ta bizi direnekin  
beti **biziko da!**

## AITAREN BIKOTEKIDEA

Nahi dut zure aita ta  
zure **zoriona**  
amaren orde ez naiz  
etortzen gaur **hona**.  
Ni zuretzat zer naizen  
galdera **sakona**...  
entzun ezazu zure  
barruak **diona**.